

0 10 20 30 40 50 60 70 80 90 100 110 120

5
13
14
15
16
17
18
19
20
21
22
23
24
25
26
27
28
29
30
31
32
33

卷678.09
867.2
3-4

閻錫印先生年譜

函 冊 4 書 號 50647

閻
濬
邛
奉
譜

癸卯夏穆改訂亭林年譜既卒業念

國朝儒學亭林之大潛邱之精皆無倫比而潛邱尤北方學者之大師因取杭大宗錢曉徵所爲傳及劄記疏證諸書排次歲月爲潛邱年譜將以詒吾鄉後進興起其嚮學之心討論月餘稿艸稍具是年秋南游江淮過山陽訪丁儉卿舍人訊以潛邱遺事儉卿出所著山陽詩徵柘塘脍錄見示頗多采獲漢陽劉棻雲學正見之爲修改十餘條葉潤臣舍人好爲詩凡

國初人集有與潛邱相涉者輒來相告增補加密矣洎

交光澤何願船比部復以此譜相誘願船爲析疑彌罅
又不下數十事於是壽陽祁尙書嘉其用力之勤欲遂
墨諸版與顧譜並行憶戊戌冬襄校淮安見閻氏之應
試者今尙多有遺容志傳必世守焉不可當吾世而失
之也屬同年何子貞編修致書學使者張筱浦侍郎行
文淮安學官向閻氏後人索之越數月得學使復書則
復申所撰行述

世宗憲皇帝祭文輓詩歸然俱在意潛邱之靈寶默相
焉爲之意愜者紮日爰與願船更事討論密又加密蓋
自荆始以訖今日凡五易稿而後寫定此本雖罣漏仍
不免然於潛邱束身力學之大綱約畧具矣學者倘能
循潛邱讀書之法研證經史勉成實學而不蹈標榜聲
譽苟簡自封之習是則區區舉似前賢之微意也夫整
比再三勉徇尙書之意付之梓人因述其緣起如此道
光二十六年十二月平定張穆識

閻潛邱先生年譜卷一

郡後學平定張穆編



先生系閻氏名若璩字百詩別署潛邱居士

四庫書提要潛邱者若璩本太原人寄居山陽爾

雅曰晉有潛邱元和郡縣志曰潛邱在太原縣南

三里取以名書不忘本也 一統志潛邱在太原

縣東八里 太原縣志潛邱相傳宋修惠明寺塔

陶土為瓦遂失其形疑即今之瓦窰村 山陽丁

儉卿晏嘗於淮安市上得潛邱居士小印珍弄之

歲甲辰入京師見穆爲先生所撰年譜遂以印相

贈譜中所采山陽詩徵柘塘
贈勝錄皆儉卿所手輯也

始祖仲寶元初自祁縣遷太原嘉節都西寨邨

子詠撰潛邱行述始祖貞逸公諱仲寶 魏叔子

閻氏本支敘閻氏受姓相傳爲周昭王少子爲秦

伯曾孫爲唐叔虞後皆遠無所考信修齡之錄斷

自元初遷太原仲寶公始又曰元初自祁始遷太

原嘉節都西寨邨者曰第一代始祖仲寶公 四

書釋地今晉水源有女郎祠去吾家之西寨邨一

十八里

第四代祖岱

本支敘四世以下崇紀修齡所自出其始分支者

曰第四代祖岱公

第五代祖珍敖

本支敘始分四大股者曰第五代祖珍敖公 尙

書古文疏證卷六 鉅鹿澤一在鉅鹿縣西北一在

昭慶縣東二十五里昭慶縣今真定府之隆平余

五代祖之弟實遷其地云

第六代祖人瑞

本支敘始分十四小股者曰第六代祖人瑞公又曰三晉方言稱某支為某股

第七代祖居閭號西渠始由太原遷山陽

本支敘遷淮者曰第七代淮安始祖西渠公又曰蓋自仲寶公遷太原以耕讀世家西渠公業鹽筴遷淮而後世稱素封皆代有隱德多文學士又曰西渠公之遷淮也在正德初案杭大宗錢曉徵兩傳俱作五世祖始居淮安趙節山撰墓志則曰六世祖蓋由先生之身而上溯之為六世也釋地吾家

自高高祖由晉之汾水遷楚之淮水所以二水之

源及流皆會窮歷之案黎洲金石例古人例以高祖上一世稱五世祖故先生

沿俗稱則曰高高祖杭錢作傳則曰五世祖也王山史賀牛叟先生壽

序先生之先為太原人以貲游於淮遂家焉居有

廬耕有田藝有圃 陳其年贈閻梓勤二十初度

序自注梓勤居淮之竹巷狀元里 左汾近彙邱

瓊山過山陽詩揚州千載繁華景移在西湖嘴上

頭西湖嘴在運河東岸距余家狀元里僅二百步

余嘗笑此謂成宏時之西湖嘴耳

高祖翰號雙溪太醫院吏目

行述五世祖明將仕郎太醫院吏目雙溪公 萬

曆甲辰進士履歷便覽閩世則祖翰吏目 南雷

文定參議閩公神道碑其先太原人至公之祖雙

溪徙於淮右

曾祖國順字覺吾歲貢生南安府上猶縣訓導

太原縣志閩國順字覺吾有至性年十歲大父病

夜禱願以身代性甘淡泊而急於解紛鄉人有奇

冤以千金爲壽求居閒國順力卻而卒陰爲之所

訓子世科成名封如秩鄉人共舉入鄉賢祠 南

雷參議公神道碑雙溪四子而覺吾以明經爲上

猶掌故惠吾以舉人爲狄道令公則覺吾之長子

也淮安府志閩士望萬曆四年丙子山西中式舉人太原縣志閩士望國順弟任陝西狄道知

縣有惠民立祠祀之 行述先高祖考封文林

郎浙江湖州府推官 劄記示孫學翼詩注高曾

墓在太原西山

祖世科字伯登號礪楚又號龍門萬曆庚子舉人甲

辰進士官至遼東寧前兵備道參議

萬曆甲辰進士履歷便覽閣世科龍門詩四房行

吾家明朝俱以詩經中式國朝則皆治禮記己卯六月二十一日生案

生於隆慶庚午至萬曆甲辰年三十有五履歷減十歲則二十有五也太原籍南直

山陽人庚子二十五名舉人會試一百名三甲二

百二十三名兵部觀政乙巳授湖州府推官釋地餘論

引朱文肅國禎湧幢小品論磁州水利事曰先參議起家湖州司李與朱交好朱亦曾口述手畫其事

己酉福建同考官劄記聞旌德令從兄聘試江寧詩楚材原待晉祖德自依

孫自注參議公主試萬曆間於今六十餘年案後六十餘年當為康熙八年己酉也釋地鍾伯敬

述其座主雷何思檢討之言不得於言勿求於心不得於心勿求於氣告子是箇大受人萬曆己

酉閩闈先參議以湖州司馬聘往領房雷何思為正考共事甚歡亦偶及是語故余家世實聞之

錢謙益明詩人小傳雷思需字何思夷陵州人萬曆辛丑進士何思好學問通禪理講經世出世之法其宗指在江陵內江之間己酉出典閩試所撰

程策頗見大意惜其未試而歿何思集其門生鍾

論次庚戌舉卓異辛亥升戶部主事壬子管象房

艸場癸丑升郎中遼東管糧丙辰升河閒知府仍

留遼東管糧丁巳升寧前參議戊午回籍是科總考資政

大夫禮部尚書兼東閣大學士朱賡俞庭浙江山陰人戊辰進士嘉義大夫禮部右侍郎兼翰林院

侍讀學士掌院事唐文獻抑所南直華亭人丙戌進士同考詩四房文林郎禮部都給事中張問達

誠字陝西華亭人癸未進士割記弔方坦庵詩通家原孔李自注先參議出公叔父大理公之門

萬曆甲辰

五粵雅堂叢書

又送金道州詩孔李先朝籍最真自注先參議出麗陽中丞公之門案若方若金蓋公鄉試座主

南雷文定參議閣公神道碑公字伯登號礪礎

登萬厯甲辰進士第授湖州府推官湖濱巨浸多

盜賊治以嚴苛始辦公奉職循理解其繁密民甚

便之有豪右誣人死罪公疑之精神所注通於夢

覺神語諄諄即時判結戊申水灾民死者過半公

與郡守陳幼學發廩勸分盡所以救荒之術故民

雖饑而不怨割記移寓雜興詩手霽萬人曾得活心冰十郡舊皆寒先公祠宇今猶在

君說遺黎淚未乾自注先大父起家湖州司李與郡守陳公筠塘同時政最有聲首二句即用直指

方公魯岳薦疏中語也左汾近稿有送張龍占還湖州詩結句云棠梨聞尙在花發到孫枝自注

先曾王父起家湖多秀民而經術不足公禮姚承

庵以爲大師其說時與朱文公相出入學者始知

穿穴經旨以求自得庚戌大計郡吏舉卓異第一

人爲戶部主事癸丑以本部郎中總理遼餉時邊

烽尙息而軍政易茸公夔然憂之乃蒐乘補伍廉

重核實三年之內捐公費千百五金貯積六萬餘

緡發寄國之弊坐放如期築廩倉數十間分屯鹽

二頃不相侵奪公於邊事所以經營綏輯先後始

終之際委曲纖悉無不備者蓋已逆知將來東方

之有事也丙辰擢守開封明詩綜云出知河開府與履歷同此作開封誤

而今河開府志郡官表明崇禎間知府亦無世科名則以題雷本部原未泄任也司農李

汝華特疏題雷引公自助又明年陞山東右參議

兼按察司僉事廷議邊才改為寧前兵備當是時

戊午之敗問尋至公置幼子於潞河單騎出關拔

祖帥於廢籍整頓營壘以待不虞而巡撫不知其

為勞薪也以公禮格之公既不得行其志念八十

老父曳杖倚閭將無忠孝兩失乎遂投版棄官而

去自公去後疆場破碎談兵者非身橫獄戶即駢

首西市鮮有以功名終者而後知公有先幾之智

也剖記與趙秋谷書錢牧翁為先參議作閩寧前畫像贊按有學集贊曰幅巾襲衣步雅視詳夷

考其垂魚委佩濟濟踰斯公雅頌廟廟屬坊表函文章佩韋弦而修珩璜者邪披襟奮袂立栗趨

翔旋觀其法冠豸服容容昂昂斯公之僂力邊疆教背崑環武岡犁虎穴而掃扶桑者邪全遼金甌

渝關金湯誰隳戎索誰壞堵牆急杵擣旬危柱促腸身已閒而憂愆口已含而視長瞻公遺像整容

肅衣不自知其清淚之漬裳也行述先曾祖考

常熟錢宗伯為像贊墓誌則漳浦黃詹事為之按墓志公歸整拂藤蒲具陳花木與太翁得盡田里

骨肉之歡逮丁大故雞骨支牀為鄉論所榮逆黨

崔呈秀盛時以同年生通殷勤公不顧而唾家居

二十五年漕撫王紀李養正給事中解學龍御史

王允成累登啟事公皆不應所著有敬刑錄計遼

始末諸書生於隆慶庚午六月二十一日卒於崇

禎壬午二月二十一日享年七十三葬於淮上之

蛟龍溝北壟娶高氏蔡氏劄記家君云過鶴江蔡

公先儒人曾王父也時子孫蔑有存者一首言從

尚書墓正屬蔡家親石馬欹秋艸銀魚掩夜燐麥

盤誰更薦桂釀久虛陳去去猶盈淚寒泉在夢頻

首韻下自注司空曙贈外弟盧綸詩平生自有分

况是外家親次韻下自注公官兼學士末句下自

注陶淵明孟嘉傳淵明先親君之第四女也凱風

寒泉之思實鍾厥心 又蔡公鶴江在詞館與新

都楊升庵友善姓名字見升庵文集卷五十七云

淮南蔡衡仲昂 淮安志禮部

侍郎蔡昂墓在城南包家園 贈封皆孺人副室

陳氏子一修齡江以北之學者也女三其婿諸生

許永祐舉人李藻先劄記有與李諸生杜嗣皋

淮安府志閻世科仕蹟又除蕭山盜窟夙害頓去

山陽詩徵龍門先生家本晉人世居淮上官湖

州司李時有疑獄屢讞不決夜夢人語之曰汝未

舉子宜留意祥刑覺以告其母母曰獄中囚必有

當平反者汝試求之及再錄果得囚冤狀遂出之

人咸異焉其為遼東管糧戶部郎中及兵備寧前

參議時皆有特勅一道蓋神宗之末東事孔亟故

特異於他處也 明詩綜載世科詩一首楞伽臺

垂老投簪穩憑高對酒閒江楓梳白髮海霧羃青

山目極秋天遠身依暮鳥還禹功遺跡在千載喜

登攀剗記家大人追和先大父楞伽臺述懷并命

據作到此成三世居停總一僧神州悲易變

祖武媿難繩小艇當春載高臺正

晚登追隨愁不及江水捲層層

父修齡字再彭號牛叟淮安府學生淮安府志云

趙飴山潛邱先生墓志考謹修齡世所稱牛叟先

生者也以文名一時撰述甚富 魏叔子集修齡

平生慎檢持以詩名 淮山肄雅崇禎乙亥倪宗

師元琪浙江人壬戌進士歲試淮安修齡以商籍入學首

題攝齊升堂次題坐而言不應 王山史牛叟先

生壽序先生行誼甚高又淹通墳籍著為詩文清

真典雅可以式靡起衰 剗記乞言小奏家君生

丁巳九月十日籍諸生先是參議公分校閩闈禱

於九鯉湖而生名字皆夢中夙授少穎異不凡性

篤孝先大父母見背哀毀踰禮克襄大事極其誠

信依戀松楸數十年不釋於懷與先母白首相莊

始終無閒言生平非義之取雖千駟弗視交游不

侵然諾常云欲學沒脊而不能蓋有為之談也嗜

荔枝續圖以寄遐抱陳其年迦陵詞洞仙歌證前生為閩牛叟賦注引牛叟兌

閣遺徽序曰予生於閩故生平癖嗜尤在楓亭荔

枝妻屢辦襄助予入閩啖荔以遠道逡巡未果也

著有眷西堂詩文紅鷗亭詞行世 茶餘客話國

初郡城園亭見於詩文者甚多今遺址無考以余

所知閩牛叟眷西堂在新城東門金石廢嘉樹軒

在新城又一蒲庵影閣鷓巢鶴墩在平河橋又西

為飲牛草堂案平河橋在淮安城南四十里剗記有平河舟望詩淮安志平河橋鎮城南五十里枕隄跨河邨落市肆兩相映帶田疇肥美帆檣繹絡亦淮甸之門戶也昔有橋今圯久矣或曰運河水至此而平故名

山陽詩徵引吳山夫云牛叟先

生七歲入小學塾師以丹山鳳屬對即應聲曰碧

海龍識者以為偉器先生家世豪貴獨折節以讀

書取友為樂未弱冠為督學御史倪元珙所賞拔

復從漳浦黃公道周游甲申以後棄儒衣冠與同

里張虞山靳茶坡諸先生為世外交淮安府志張養重字斗瞻

山陽人崇禎中諸生善詩文不求仕進子欽世從子鎮世一門高隱父子間自相倡和所著有一家

言靳應昇字璧星山陽人順治中歲貢生博學工文尤長於詩有渡河集茶餘客話靳璧星號茶坡樵子張養重號虞山逸民晚自廣南歸戴一椰子冠又號椰冠道人聞若禪侶靜

若處子去城西四十里小築一蒲庵朝夕行吟介然自守不趨流俗其詩高潔無烟火氣不減儲王著有秋心秋舫冬涉影閣諸集行世尤工花閒草堂諸闕舊刻有清溪怨感青姬作也一時和者如雲余嘗見先生畫像一卷爲圖凡六初爲授書圖畫卯角童子學書於參議公側參議公高冠偉服望之肅然生敬次爲游泮圖方巾襜衫樹二金花

於首乘白馬前有彩旗後張黃蓋此爲前明崇禎乙亥年先生年十九歲題者甚多惟張虞山七言古詩爲詳次爲焚冠圖聚儒衣冠而焚之繫漁舫於叢葦中將行遜也自題云甲乙之交學業頓廢效殷之箕子而不得慕堯之巢父而不能別號飲牛叟始此嗚呼然後知先生前二圖之意皆爲此圖設也其志亦可悲矣又次爲改詩圖則四十時

也有蒙叟河濱詩

錢謙益別號蒙叟李楷字叔則號河濱朝邑人國初官寶應

知縣漁洋蠶尾集有李河濱書跋曰先生以文章起關中游宦淮南居廣陵最久比余至揚州而先

生歸秦數載矣然時時聞江淮士大夫言先生每作詩文廣坐酒酣使兩人張絹素懸腕直書略不加點如疾雷破山怒濤穿脇頃刻而罷擲筆引滿旁若無人舉坐為之奪氣名噪一時亦以此取忌坎壞失職傲然不屑也書學東坡得其骨髓云云愚山有酬李叔則詩注云罷官居廣陵又一首注云君歸關中明年而揚州難作

蒙叟詩不在卷中又次為東籬圖則五十時也追和河濱三首又自題一絕云題詩

者甚多如杜蒼略名界初名紹凱號些山茶邨之弟也程穆倩名遂

區歙縣人鄧孝威名漢威號鉢叟泰州人著有過流寓江寧嶺集康熙己未召試以

年老授中書舍人嘗坐文選樓選詩為詩觀初二三集別集蕭樓集紀伯紫名映鍾

子號鱸叟上元人劄記有慈峨言紀一丈伯紫亦未葬愴然同作一首輩皆一時聞

人此卷今歸吾鄉劉氏先生之孫甥也予就錄先

生自題詩數首先生他著甚多今皆散佚失傳可

惜也案圖凡六而所引山夫語止五詩徵尙載有斷絃圖自題絕句為六十時作行

述先祖考所著有閩氏本支錄五思錄秋心詩一

蒲庵詩名流老輩來訪下榻嘉樹軒或畱止經年

或數月劄記移寓雜興詩注余幼時每侍家大

人與諸名宿語柘塘脍錄先生滄桑後隱居白

馬湖與同里茶坡虞山諸人結望社相唱和風雅

之士一時翕集如黃岡杜茶村名濬字于皇初名紹先見復社姓氏

太原傅青主事蹟見顧譜南昌王子一一名猷定號軫石著有四照堂集

寧都魏叔子名禧字冰叔號裕齋一號勺庭嘗集同志九人講學於易堂臨清

倪天章名之煌淮安志劉漢中字勃安山陽人康熙中歲貢生選東流縣訓導臨清倪天章

流寓淮安僦屋與漢中同居暴卒於馬陵經紀其喪銘其墓收其遺詩乞毛奇齡序而傳之案剞

記有答勃安詩徐州萬年少事蹟見顧譜閩古古名爾梅字用卿著有白查

山人集查初白有讀皆下榻相待飛觴拈韻為南

北詞流所宗不減玉山雅集之盛於世味泊如也

左汾近稿幼時見先大父藏弄壽承二字私印

傳為三橋手筆

母丁孺人諱仙竊字少姜清河丁文恪公季孫

魏叔子閩母丁孺人墓表淮安閩君再彭修齡之

妻姓丁氏祖文恪公諱士美嘉靖己未狀元官吏

部侍郎贈禮部尚書父中憲大夫知姚安府諱有

殷割記丁舅兄為其二子來乞名余名之曰醴源曰禾根以文恪公後人也并繫以詩又案潛邱

與喬石林為姨兄弟割記有哭石林姨弟詩是也

又贈潘山補詩曰我母母之祖厥官曰中丞傳君

已六葉家法守還能中丞謂明都御史墳也及考

鈍翁類稿喬母潘孺人墓志石林母乃墳之元孫

女輩行差忒汪志疑誤又案山補名夏字西河

山陽人順治中諸生淮安志稱其不事舉業專肆

力於詩性好酒家貧不能常得興至即走向友人

著有漱滄亭詩然則潛邱贈詩後二韻曰縱酒愁書亂離鄉畏病增高堂幸強飯勉矣就蜚騰蓋規也崇禎甲戌孺人年十七歸再彭再彭早失母夫

人時參議公老在堂孺人內外家皆貴盛特柔謹

孝事參議公自奉養朝夕至視疾喪葬無違禮遇

二女公女妹必敬以和身撫杜氏孤女甥而厚庀

匱具嫁之

案參議公有女嫁杜嗣皋見前南雷墓碑

生平於奴婢罕叱

咤聲接內外姻婭無失色孺人諱仙窈字少美行

季性婉慧眉目朗秀知書明大體兼通琴弈琴不

由師授以意成譜妙合音節事再彭恭奉再彭賓

客酒漿久必飭夫婦相歡得白首如年少人甲寅

八月孺人以微疾卒閻氏故世家自高曾以下生

忌日皆祭每歲十餘舉孺人直日必夙興潔觴豆

肴蒸僮被立須再彭拜獻未卒前十日一祭愆期

日亭午孺人覺之恚曰吾爲閻氏婦奉烝嘗四十

年未嘗敢失事何今日而遽忘之豈死期至神不

守邪卒成禮又七日曾祖妣忌力疾整衣肅拜如

平時又三日歿孺人於家無專制鉅細必稟再彭

然遇事往往開陳義命再彭性褊每改容從之甲

申後勸再彭棄科舉學再彭遂以詩名予與再彭若璩皆有交請予表其墓門墓在吉家整距參議公兆西二百步初再彭偕孺人上先塋憩此偶指

一穴曰他日與汝合葬是今正其處云

案丁孺人墓表牛叟

先生初請邱邦土作之邦土不果作而卒叔子作邱維屏傳載其事曰己未九月病噎不食死年六十六先是淮海閻氏以椿繭一匹將書求為其妻路墓未作也死之先日邦土命家人取繭出日以付冰叔還淮安閻氏時余方就醫泰和未歸云云然則此繭應遂歸叔子矣

乞言小奏先母生戊午九月三日家君敬之稱為濟陽君

從郡望也

陳其年定風波齊世家詞注引牛叟兌閻遺徵曰妻名仙窈字少姜女兄弟五

人幼者適子從兄自名其讀書處曰兌閣妻丁姓子恆呼之為濟陽君

孝慧柔慎尤

曉大義事至不動聲色而就理御下仁恕肅然成風卒之日無賢愚內外咸慟惜之一生善病勿藥垂危前三日猶禮拜先高妣忌辰吉祥而逝年僅

五十有七 己未詞科錄徵君母丁自題讀書處

曰兌閣以兌為少女己於女兄弟中行最少云

何秋

濤案牛叟兌閣遺徵云妻女兄弟五人少者適子從兄此云最少誤

陳其年閻牛

叟買花詞序自注牛叟向有悼亡之戚曾為賦兌閣遺徵詞十首案牛叟兌閣遺徵詞不傳其小序

俱載陳其年迦陵詞中但失其次耳

又案西河亦有和作并載

牛叟原序浣溪紗逮下詞注引曰妻屢請納妾子不應

閒置孔氏一妾三年遣之猶處女焉減字木蘭花

佐家詞注引曰余世以鹽筴起家後中落妻恆好

語相慰祝英臺近維摩天女恰同參詞引曰妻屢

勸子參訪耆宿究向上一著而以鈍根未果近慚

龐媪遠負萊妻滿江紅琴弈雙清詞注引曰妻善

弈花下與諸女劇必招子子笑謝於琴不由師授

以意成譜巧合自然卓脾兒聯吟詞注引曰余填

詞成妻恆爲解頤偶製杏花天三闋妻索書素帕

出入懷袖中月華清病榻閒情詞注引曰妻一生

鮮情容雖疾亦淡妝讀史子調曰提學未至女

秀才矻矻何爲每憩耳天閣日課童奴弗濯余以

丈夫當埽除天下爲言妻笑曰請從一室始泛清

波摘遍采菱詞注引曰妻種菱湖西常攜諸女扁

舟采摘當夕陽下春翠袖紅妝與清流碧沼相映

宛在畫圖寅秋尙期踐此約而竟不逮矣

以上凡七事餘

二三事散見前後各條下

劉松蒼雪坡詩話迦陵嘗爲牛叟

賦卓牌兒詞云云想見牛叟伉儷風致而百詩又
能以經學名世亦奇矣

明崇禎九年丙子十月十四日先生生

劄記有壽子仁詩曰吾聞堯元載竹晝歲丙子後幾
七十周實爲吾生始又生日展期啟今年下元前一
日爲吾六十 杭大宗道古堂集若璩生參議公酷
愛之常抱置膝上摩頂熟視曰汝貌甚文其爲一代
文人以光吾宗乎 行述府君生於明崇禎九年十
月十四日亥時

十年丁丑二歲

十一年戊寅三歲

十二年己卯四歲

十三年庚辰五歲

十四年辛巳六歲

道古堂集六歲入小學口吃資頗鈍讀書至千百遍
字字著意猶未熟且多病母聞讀書聲輒止之閤記
不敢出聲 劄記移寓雜興詩注余六歲時見家古

古先生

劄記楊維垣成淮時畫明妃夢還漢宮圖屬
人題詠適同宗閤用卿先生自沛至曰楊名

在逆案果漢官可還則逆案可翻矣楊立取
卷回後直指使者誣劾用卿楊與有力焉

十五年壬午七歲

二月參議公卒於家

十六年癸未八歲

十七年甲申十月朔爲

大清順治元年九歲

是年牛叟先生客金陵先生從母丁孺人避地吳越
迦陵詞賀新涼雙魚問爲閻牛叟賦注引兌閣遺徽
曰甲申予客金陵妻獨攜子女避地吳越常手書促

子歸爲輕薄子啟緘竊視歎箴勉得性情之正 釋

地年九歲讀孟子疑滕定公薨兩使然友往鄒問孟

子何緩不及事

疏證卷六上余少時習孟子疑滕定公薨云云與釋地語意略同但不著

少時爲
幾歲耳

茶餘客話劉節之孔和山東長山人明大學士鴻訓

子少年豪俠詩文有奇氣好煮酒論兵結納死士散

財聚眾於長白山殺僞縣令

秋濤案此事在崇禎甲申闖賊所署縣令也

領數千人至淮安時劉澤清開藩淮上建牙新城節

之同鄉有舊遂以兵屬後見澤清所爲不道屢侮之

澤清怒合健兒二十人拉死之節之在新城與閻修齡斫茶坡友善時有唱酬死後修齡茶坡攜白金數

百兩往尋其屍終不得案漁洋文略有劉孔和傳

二年乙酉十歲

是年從兄洞以商籍入淮安學案劄記有寄從兄錦濤詩錦濤當即洞之

也字

三年丙戌十一歲

是年從兄若琛以商籍入學案若琛字紫琳與先生同曾祖祖世美父調元

見戊戌進士履歷便覽是年與若琛同案人學又有閻若璉商籍亦先生從兄也

四年丁亥十二歲

茶餘客話斫茶坡閻牛叟張虞山丁亥秋有三子秋

心之刻興化李小有序之小有自稱虛天游秋濤案小有名

長科世所傳仁品廣仁品皆其所輯

五年戊子十三歲

六年己丑十四歲

劄記初刻唐百家詩選序回憶五十載前曾遇閻中

書賈持翻刻本正二十卷案此序作於康熙己卯

七年庚寅十五歲

道古堂集年十五冬夜讀書有所礙憤發不宵寐漏

四下寒甚堅坐沈思行述此下有筆心忽開朗如門

牖頓闢屏障壁落一時盡撤自是穎悟異常是年列

學宮為弟子案據淮山肆雅名流如李宗伯太虛明

睿南昌人天啟壬戌進士官左方處士爾止名文桐

諭德入國朝官至禮部侍郎有翁梁商邱公狄案歸德府志職官表商邱知縣梁

山集狄甲乙議後初授太康令時賊盤踞中州公與其兄

以相悉志力拒之以殺賊功調商邱賊攻商邱陷公

夫人張氏并家屬俱死公傷仆亂口中民救之三日

後蘇逮刑部獄天子以為無罪出之獄數日京師陷

公冒死南下參史閣部軍題授兵部主事經理河南

迨命下而事不可為矣云云甲乙議者公狄前後所

上封事及平賊方略也鼎革後隱居高郵施愚山有

贊湖答梁公狄詩云千里尋君逢臥病杖藜猶官為

開門淨家不厭滄州癖抱膝誰知故老存白髮歡歌

含涕淚殘尊風雨自寒溫扁舟歲晚歸人急信宿何

年湖上邨孫夏峯集亦有覆公狄札及踵韻寄懷之

作苗夔案以樟清苑人明崇禎己卯北直解元大

興王潔王源之師也王處士于一李孝廉小有杜貢

士于皇宗人孝廉古古與之上下議論咸拱手推服

以一經不可盡也進之五經則曰十三經不通五

經不能精也次第卒業阮應韶筆訓云吾父嘗言

少時與閻百詩先生同受業於靳茶坡先生之門同

學日暮抱書歸家閻天資魯獨吟不置必背誦如翻

水乃已後發憤將書拆散讀一頁輒用麪餈黏几背
 既熟即焚去終身不再讀一夕胸前膈下豁然洞開
 若有聲震耳後視書一過目即成誦戊午與吾父同
 薦鴻博為世通儒秋濤案道古堂集不言潛邱十五歲時所事何師以筆訓考之是已從靳茶坡游也證以劄記之言知從茶坡亦五六年應韶字虞再山陽人穆案應韶父名晉字鶴縑吏垣贖略已未山陽薦舉鴻博赴部驗到者三人李鑑邱象隨張鴻烈未到者三人嵇宗孟張新標馬駿更無阮晉之名淮安志稱晉由諸生入國學鴻博科開津要多欲招致其門堅辭不附是其事也晉孫學浩學濬曾孫葵生芝生皆成進士宦顯於時芝生字紫坪先泗州府君丁丑進士同年也沈儼劄記序先生生長世胄家多藏書幼即潛心鑽擊抉精

別隴思成一家言所交盡海內名流如李太虛梁公

狄杜于皇李叔則王于一魏冰叔昆弟案冰叔從兄伯子際瑞弟

季子禮所謂江西三魏也時過淮必主其家輒留止經年與先生

討覈今古諸公皆歎服謂後來者居上

八年辛卯十六歲

案淮山肄雅錄順治八年李提學嵩陽類考先生以

商籍入淮安學首題伯夷叔齊至怨乎次題視天下

悅而歸己清祕述聞李嵩陽字雲增河南封邱人前庚午舉人順治六年任案吳梅村有贈李

峩居御史督學江南詩荆注引程迓棗曰嵩陽字元佩號峩居又董舍尊鄉贅筆封邱李公嵩陽起家乙

榜視學江南翁
然有公明之目

顧棟高萬卷樓雜記閩百詩先生

年十五補山陽學官弟子掣究經史深造自得嘗集

陶貞白皇甫士安語題其柱曰一物不知以為深恥

遭人而問少有甯日其立志如此

案題柱語先生載
之困學紀聞箋

是年毛西河避讎初出游淮上變姓名王彥字士方

九年壬辰十七歲

十年癸巳十八歲

十一年甲午十九歲

從兄若琛中式山西舉人

十二年乙未二十歲

錢傳年二十讀尙書至古文五十五篇卽疑其偽沈

潛三十餘年乃盡得其癥結所在 墓志少讀尙書

多所致疑謂自孔安國至梅賾幾五百年中閒半出

傳會遂著尙書古文疏證以申其說 行述著尙書

古文疏證蓋自二十歲始而諸子史集亦自是縱學

無不博覽 劄記題春秋左傳屬事余年二十前從

同里靳茶坡先生學此書蓋得於其家 移寓雜興

詩注霞舉紫嵐同余受業靳茶坡先生之門余年最

幼疏證卷八同里友人石子華時字紫嵐一字企齊

與余善每著疏證成或面語或遣信送覽正唐人詩

所謂為文先見艸者淮安府志石岱時字霞舉弟華時字紫嵐大河衛人皆諸生文

章行誼見重一時邑人交口稱二石先生又紫嵐嘗謂余子於考證之學

洵可謂工矣其指要亦可得聞乎余曰不越乎以虛

證實以實證虛而已釋地三續吾何修十二句引石子嵐說即紫嵐也劄記多與紫

嵐書及詩

十三年丙申二十一歲

十四年丁酉二十二歲

十五年戊戌二十三歲

三原孫豹人枝蔚漑堂前集戊戌年有懷閣百詩就

醫京口詩苦憶淮陰閣伯子近來脾病太相磨少年

最有登臨興異縣其如藥餌何能賦茂陵消渴甚苦

吟昌谷嘔心多漫勞著作徒無益努力萊衣舞且歌

阮太傅廣陵詩事孫豹人本三原人至廣陵學賈三致千金頓自悔曰丈夫處世不能舞稍取金印如斗

大則當讀數十萬卷書耳何處觀學富家兒乃就居董相祠旁名其居曰漑堂舉詞科時崑山大司寇徐

公為一時龍門四方之士鱗集仰流豹人獨不事干謁入試不終幅而出上雅聞其名命

賜銜以寵其行行述以病嘗就醫鎮江特延李寶應叔則

先生偕行偃仰金山楞伽臺日作詩倡和夜則乘月

浩歌達旦與江聲相應長洲金聖歎聞而訪焉語輒

謂逡巡別去王應奎柳南隨筆金人瑞字若采聖歎其法號也少年以諸生為游戲具補而

旋棄棄而旋補以故為郡縣生不常性故穎敏絕世

而用心虛明魔來附之錢宗伯天台泐法師靈異記

所謂慈月宮陳夫人以天啟丁卯五月降於金氏之

卜者即指聖歎也聖歎自為卜所憑下筆益機辯瀾

翻常有神助然多不軌於正好評解稗官詞曲手眼

獨出初批水滸傳行世崑山歸元恭見之曰此倡淫

之書也繼又批西廂記行世元恭見之又曰此誨淫

之書也顧一時學者愛讀聖歎書幾於家置一編而

聖歎亦自負其才益肆言無忌遂陷於難時順治十

八年也初大行皇帝遺詔至蘇巡撫以下大

臨府治諸生從而訐吳縣令不法事巡撫朱國治方

囑令於是諸生被繫者五人翼日諸生羣哭於文廟

復逮繫至十三人俱劾大不敬而聖歎與焉當是時

海寇入犯江南衣冠陷賊者坐反叛興大獄廷議

遣大臣即訊并訊諸生及獄具聖歎與十七人俱傳

會逆案坐斬家產籍沒入官妻子遣戍云結琦亭

集劉繼莊傳後跋曰繼莊之才極矣顧有一大不可

解者其生平極口許可金聖歎故吳人不甚知繼莊

間有知之者則以繼莊與聖歎並稱又咄咄怪事也

聖歎小有才耳學無根柢何所取而許可之然繼莊

終非聖歎一流不得為別白也案繼莊名獻廷

吳人寄籍大興明史館一統志局繼莊皆與其事

是年從兄若琛成進士改兵部主事若琛歷官至嘉

贈李梅谷吏部詩自注國博兄同年昔與同官案梅

谷名含春順天通州人戊戌進士國博蓋若琛別字

也左汾近稿寄顧山容學士詩吾家所欣賞

倍與阿咸親自注君出從父今嘉興守之門

十六年己亥二十四歲

十七年庚子二十五歲

劄記題邵文莊簡端錄余年二十五歲始從同里吳
太易先生學見先生手不暫捨此書閒請而觀焉復
於先生曰未見甚佳處先生微笑蓋先生病耳聾以
爲此自其恆狀越後二載取而復讀徹首徹尾不覺
沈酣尋味者彌旬以復先生先生喜曰吾當日若嗤
子子未必服固知吾子必有今日解悟在其善開發
人如此然則先生自此年至壬寅入京師以前皆從吳太易學也困學紀聞箋
先師吳太易先生問余五福無貴子知其說乎對曰

未也先生曰蓋福乃人生受享之物古者有一命則
有一命之責任寒者與衣飢者與食凡不獲其所者
與安是以終身處乎憂患之域而不遑暇其在位也
如肩重負及去位也如釋重負豈若後世之貴者以
位爲恣睢乎故五福中不得有貴此論甚精案凡厥正人既

富方穀古未有富而不貴者深甯安之論允矣

釋地天時不如地利條業

師吳太易先生謂此節兩地利字殊不同上地利是
舉偏而言之已足勝天時下地利是舉全而言之仍
不能及人和語此時歲在庚子距今四十有二年案後

四十二年為康熙四十年辛巳墓木徒拱著書莫遂恐有名字翳如

之感為識於此自注先生諱一清大河衛人丁西北

聞舉人甲辰擬會元後二年卒秋濤案先生篤於師弟之誼若此烏有始

學終倍如顧李塏大學辨業題詞大學釋治國未

江諸說者哉釋平天下蓋天下者國之積也此國如此用人如此

理財推之他國亦如是無異道也故治平條一天下

字虛五國字實以為國作爾三十載前聞先師吳太

易云是編又不謀而合至德不孤斯文尚在不意老

年見此奇特塏字剛主蠡縣人自名其里曰怨谷康熙庚午舉人通州學正案恕谷此書成

於康熙戊寅己卯過淮安與潛邱相見題詞當即作於此時

儒林傳稿有評定

古文百篇其師山陽吳一清所手授續加闡發

是年從兄洞中式山西舉人西河復出游自此年

至康熙三年甲辰皆在淮上施愚山毛子傳出亡抵淮上山陽令朱禹錫故

善姓為召諸名士詞人畢集為歡而吏部張新標父

子耆詩有名園中秋夜會客數十人伎樂合作性倚

醉扣盤賦明河篇凡六百餘言及且則淮上諸家傳

寫殆徧宣城施閏章還自京師見之目為才子自是

容淮數月雷連不能去姓年四十餘尚無子自言當

以客游老云案是年西河年三十八此傳當作於

康熙三四年愚山比年皆以分守入觀歸路出淮上也朱禹錫字揆敘浙江山陰人順治闈以選貢積分選山陽縣考淮安志職官表禹錫知山陽在順治十六年後康熙五年前而西河於四年乙巳已

與愚山講學白鷺洲然則禹錫賓
禮西河之歲月亦約略可知矣

十八年辛丑二十六歲

是年從兄洞成進士改旌德縣知縣淮安府志旌德長寧安溪三

縣知縣劄記寄從兄錦濤詩曰官向青山山下長吟小謝詩謂旌德也又疏證卷二從弟自旌德歸授余以

康熙元年壬寅二十七歲

孫豹人慨堂前集壬寅閻百詩自淮至邗上哭亡友

王于一兼經營歸櫬感其古誼贈以詩詩曰太白於指南自謂重

明情禫服日痛哭營葬在鄂城高義照千載豈獨詞賦名我友昨客死杭人多哭聲魂寄古寺中尙聞鐘

鼓驚我遠不及赴垂淚徒縱橫貽笑李太白倫誼何
太輕古道未淪喪乃復見閻生自淮過廣陵驟金恤
其嬰日夜望樞至將送歸柴荆閻生擅詞場睥睨公
與卿師事但王子心虛眼自明還復奉父命孀孤勞
經營世俱崇勢利遺子金滿籬爾翁獨不然舉事貴
堅貞我身在江湖終日望歸程飄泊齒漸暮何異水
中萍身後貴自計焉敢累嚶鳴作詩兼示兒
悽然涕沾纓案于一卒于西湖昭慶僧舍又有壬

寅送閻百詩返太原故里赴試詩詩曰我住江都君淮上相思但聽棹

聲響梅花開罷楊柳青君縱不來我能往惟愁病渴苦相如誰慮韓侯久釣魚匣裏豈無三尺劍箇中况有萬言書今晨別我太原去為言先人有廬墓立馬朝看太行雲揮鞭夕指并州樹我聞君祖大參公令譽猶播鄉里中立朝慷慨多奇績君今繼之稱豪雄歸來應笑淮陰市始識閻生天下士淮陰亦是故公鄉君且著錦拜高堂
又有壬寅賦得桂送閻百詩入秋聞絕句

詩曰桂樹何菁葱香飄八月中淮南看易厭好問廣寒宮案壬寅無鄉試潛邱蓋於是年始謀改歸本籍故豹人作詩云然實則壬寅冬先至京道古堂集師次年癸卯始由京旋里應鄉試也

康熙元年始游京師合肥龔鼎孳為宗伯相知最深

頗為延譽由是知名案貳臣傳鼎孳於順治十三年由左都御史降補上林苑蕃育

署丞十七年甄別京員復降三級調用罷署丞康熙元年詔以侍郎補用今據順治十八年摺紳鼎孳官

國子監助教是罷署丞後所補官也又據行述龔

大宗伯府君父行也知最深

二年癸卯二十八歲

道古堂集旋以僑籍改歸餼於太原案據下蕭松齡條傳青主條核

之知改歸故籍當在此年行述自遷淮以來高曾以下類先就

僑籍考試然後歸本籍故是年又附太原縣學隨補

廩膳生案藤陰雜記稱於吏科庫見己未保舉鴻博奏疏潛邱係以監生膺薦槐廳載筆引吏垣

牘畧釋地蕭松齡木公夫子為衛君乎全章文云

云癸卯交木公於京師會舉此段議論今忽已三十

八年能無慨然案與蕭木公會當在此年之春時尙未歸太原也後三十八年為康熙三

十九年庚辰劄記案傅山先生少耽左傳著左錦一書

祕不示人余初訪之松莊年將六十矣案全謝山傳先生事畧康

熙戊午青主年七十四則此年年五十九也劄記訪馬長逸詩第三句回首松莊稱韻學自注謂陽曲

傅清主二丈松莊其所居也

問余古人命名應有義但如文六年

續鞠居乃狐射姑之族鞠居二字何義余曰案成二年齊師乃止次於鞠居杜氏止注鞠居衛地惟劉昭引陳畱志於兗州封邱縣下注云有鞠亭古鞠居則知此蓋以地命名者因難何以晉人遠取衛地而名其子邪余曰則有風俗通義在俗說縣令問主簿靈星在城東南何法主簿仰答曰惟靈星所以在東南者亦不知也先生不覺笑又傅山先生長於金石遺文之學每與余語窮日繼夜不少衰止歎謂此種

學正經史之譌而補其闕厥功甚大畢竟始自何代何人余曰魏太和中魯郡於地中得齊大夫子尾送女器有犧尊純爲牛形王肅以證其羽婆娑然說非是晉永嘉賊曹嶷於青州發齊景公冢得犧象二尊形爲牛象傳至梁劉杳以證象骨飾尊之說非漢章帝時零陵文學奚景於冷道舜祠下得白玉瑄古以玉作傳至魏孟康以證律麻志竹曰管說不盡然儒林傳伏生濟南人也魏張晏注曰名勝伏生碑云地理志魏郡黎陽黎山在縣之陽縣當名黎陰乃云陽

者兼取河水在其陽以名晉晉灼注曰其山上碑實云水經注青州刺史傅宏仁說臨淄人發冢得銅棺前和外隱起為隸字言齊太公六世孫胡公之棺也惟三字是古餘同今書證知隸自出古非始於秦顏氏家訓開皇二年長安民掘地得秦始皇二十六年鐵稱權上有乃詔丞相狀縮之銘之推與李德林對讀則知本紀丞相隗林為俗書林當作狀凡是數說似未有先之者王鳴盛潛研堂金石跋尾敘傳青史之譌而補其闕此學始於何代何人百詩考得七事以為此外無先之者但王肅劉杳孟康所據皆無

文字則精確者惟四事耳而此外若昭三年傳叔向引讒鼎銘昭七年傳孟僖子引考父鼎銘禮記祭統引孔悝鼎銘考工記棗氏引嘉量銘此見於經者也史記封禪書李少君識齊桓公柏寢銅器案其刻果然漢書郊祀志張敞案美陽鼎款識辨為周鼎此見於史者也若家語載金人銘大戴禮載丹書銘秦本紀載始皇所立諸碑魏書衛操傳載操所立大邗城碑而柏人城西門碑闕且據以為即舜納於大麓之迹凡此皆百詩之所未及舉也然則金石之學自周漢以至南北朝咸重之矣穆案金人銘出劉向說苑敬慎篇王肅勸襲之耳丹書銘非金非石不當舉始皇諸碑及衛操大邗城碑皆史官據實載之非後世搜獲軼聞此四又移寓詩注金石文字足為史事西莊所引皆誤

傳正譌補闕余曾與陽曲老友傅青主極論其事又余嘗告子壽金石文字北方為多棗梨文字南方為

勝 又案余嘗謂蓋代文人無過歐公而學殖之陋亦無過公傅山先生聞之曰子得毋以劉原父有好

箇歐九之云從而和之乎余曰非敢然實親驗之集

古錄跋尾

此條又見困學紀聞箋卷二十

困學紀聞箋

卷十 謝承

後漢書錢牧齋云方少師於史館攜去問之其後人

不可得陽曲傅山先生聞之笑曰某家即有之永樂

間揚州刻本初邵陽曲全碑出曾以謝書考證多所

禪大勝范書以寇亂亡失矣

案此事又見劄記移寓詩注及唐百家詩選跋

惟詩注云曾見與前後語頗抵牾又案潛邱於癸卯壬子兩訪青主於松莊此數條未知定在何年類

記於此

是科山西闈題子路有聞一節萬物育焉使天下仕

者皆欲立於王之朝

孫豹人集有癸卯清明日闈再彭攜歌童泛舟城北

按謂揚州城北也

取今日天氣佳清吹與鳴彈為韻五言律

十首

三年甲辰二十九歲

魏世倣昭士文集闈再彭七十壽序家大人曾與先

生相見而先生令子同宿於清江浦上時倣甫十歲

耳輒知先生父子 案世倣魏季子禮之次子也據序中丁巳歲倣年二十有三逆推之

知當在此年

四年乙巳三十歲

劄記方坦庵先生自寧古塔歸遇家君誦余拙作甚

多不知何從得之異日賦此志感并以為弔又注余

乙巳始過維揚謁先生未值 甲申傳信錄方拱乾字坦庵南直桐城人戊辰

進士官左諭德掌司經局印聞城陷尚臥牀上引刀割髮未半為家人抱持而止尋削髮報名以美婢賂

賊將羅不加拷掠云云案吳震方說鈴采拱乾所著絕域紀略成寧古塔時作也未有無衣曹序跋曰

坦庵被罪謫徙捐貲得還本末總無可取但其所記有足備勸戒者云云案拱乾入本朝仍官詹事順

治十四年因為少子章鉞科場黃緣中式與吳漢槎諸人同遣戍寧古塔但放還較早耳施愚山有聞方

坦庵先生及樓岡邵村諸君放還志喜詩在湖西到官寄親舊詩後案年譜愚山以順治十八年秋分守

湖西則坦庵放還在辛丑王寅之閒矣樓岡邵村者坦庵二子元成亨咸之別號也漁洋精華錄甲辰年

有將往金陵昌辟疆攜歌兒見過同方坦庵先生杜于皇方邵村崔不雕小集詩大興劉寬夫侍御位

坦藏拱乾漢槎諸人所書大方廣佛華嚴經墨蹟末有跋曰拱乾曩曾發願書華嚴經望洋未敢就戊戌

冬入園中偶吳孝廉蘭友言及蘇州半塘寺有宋景濂學士三世共書華嚴經自敘其兩世為僧一世為

學士筆畫猶犂然未湮沒也因與同罹諸君子約以己亥元日沐手揮毫不意出關期迫乃晝夜竭蹶以

竣厥事各隨心願所及腕力所成方拱乾書八卷方亨咸書七卷姚其章書五卷陸鳴時書四卷方元成

書四卷查學詩書四卷張恂書三卷王樹德書三卷趙瑞南書三卷張湛書三卷方章鉞書三卷郁之章

書三卷

書二卷孫伯齡書二卷李倩書二卷吳蘭友書二卷
 錢威書二卷張明薦書二卷邵庚書二卷徐榮書二卷
 卷齊維岳書二卷吳兆騫書二卷張天植書一卷諸
 豫書一卷丁彭書一卷李燧升書一卷黃鈺書一卷
 張文書一卷劉隱如書一卷孫陽書一卷莊允堡書
 一卷孫梗書一卷李夢先書一卷沈始然書一卷張
 賁書一卷公書一卷共八十一卷竟以是三十四人
 之一生代宋學士之三生嗟乎是三十四人者一生
 之升沈易險且堪代人百生不第三生矣衰潢費約
 五十餘金陳時斌及諸檀施外率諸君子隨所給及
 其舊朝裳繡衣而為嚴飾警校則惟李燧升齊維岳
 力以正月朔肇二月朔成施廣濟寺寺有僧超文
 為張司馬天植外弟兄目擊司馬之難而傷心雍正
 經原本因超文請之寺中故永供寺中也此書經時
 節因緣而拱乾為之記己
 亥二月初一日方亨咸書 釋地父執杜于皇當三

十五載前遇於維揚作長歌贈余中一段曰城南荒

草寓城北古旗亭君來我往談六經出未日出歸戴

星白頭老子陡一驚今世乃復有閻生不貴子博觀

貴子秉確識吾子必自愛如子實難得臨歧時復諄

諄以確字見誨余深有志焉而媿未逮也案世傳變雅堂集

寥五言律七言絕句數十篇殊與詩名不稱近黃岡有搜刻于皇詩文者變雅堂集外別為補遺二卷茶

村詩鈔六卷而此作仍不在蓋軼者多矣此長歌作於何年無從臆定然以文集考之于皇於康熙癸卯

客淮陰甲辰至丁未皆客揚州白雲樓記曰余客廣陵久是也潛邱於乙巳至揚當與于皇相值意即于

皇贈詩之年也時于皇年五十有五矣又于皇揚州石塔寺飯僧田碑文尾有潛邱評語意皆一時事後

二十五載則康熙三十
八九年己卯庚辰間也

是年西河客廬陵白鷺洲偕施愚山講學愚山年譜康熙二年

癸卯分守湖西有鷺洲講會歌序曰西江講學之會吉州最盛中輟者四十年矣余以癸卯十月修復舊事布衣野老皆許以客禮相見會者近千人已而去游淮西秋濤案西河北游少室五年復還湖西居一載以愚山將移治辭之崇仁復之汝寧畱三年凡所稱游淮西者謂汝寧也

五年丙午三十一歲

是年先生當回太原應鄉試試題為政以德論劄

記丙午丁未閒重策論讀宋陳傅良時論云云秋濤案

皇朝通志康熙二年停止八股文體三年更定科場試題頭場策五篇二場用四書本經題作論各一篇

三場表一篇判五道四年三月仍復三場舊制是丙午丁未間已復用八股矣然策論猶重故先生云爾穆案据清祕述聞甲辰會試及此年鄉試首場皆作四書題論一篇通志之言疑有未覈劄記有修史郊祀經學守令經筵策五篇案郊祀策曰國朝定鼎以來定合祀以來二十年間守令策曰於此數年中或即應已二十餘年矣推知五策皆作於此數年中或即應試之作秋濤又案皇朝通志順治元年定制每歲冬至大祀于南郊夏至大祀地于北郊順治十七年四月己酉合祀天地百神于大享殿十八年正月議祀典請罷大享殿合祀從之

六年丁未三十二歲

是年九月牛叟先生年五十一丁孺人年五十先生

為二人稱觴

馬宛斯選授淮安府推官缺旋裁

案潛邱與宛斯相識當卽在此年不

待癸丑自隴右東歸也移寓雜興詩內一首日紛紛把筆學題詩未見揚劉博極時却羨歸來堂畔客浩如煙海細如絲第三句自注謂鄒平馬公驄御其讀書處卽宋趙明誠故莊

七年戊申三十三歲

疏證 卷五 戊申夏王源崑繩讀左傳閔二年及狄人

戰於滎澤衛師敗績遂滅衛衛侯不去其旗是以其

敗來問 程鴻詔案釋地公孫揮條亦記王源崑繩語皆云讀左傳當是戊申一時之事 方苞四

君子傳王源字崑繩世爲直隸宛平人父某明錦衣衛指揮明亡流轉江淮寓高郵源少從其父喜任俠言兵少長從寧都魏叔子言古文晚年與蠡縣李埭游遂與師事博野顏習齋逾六十復往來金陵淮揚

開客死山陽案崑繩康熙癸酉舉人父名世德兄潔字汲公年十二補弟子員明亡不復就試金壇蔣衡世所稱拙老人者汲公之壻也

是年西河游睢州已復歸淮西 秋濤案西河至睢州爲湯文正公母夫人

作崇祀祠記明年還浙九年復游淮西爲張仲誠作白龜圖記旣而客息縣

八年己酉三十四歲

行述八年鄉試山西受知於前給事中交城縣知縣

趙恆夫先生爲同考所忌不售府君感其知執弟子

之禮終身 恆夫事蹟詳願譜 案是年闈題先有司赦小過

舉賢才言而世爲天下則君子深造之以道欲其自

得之也

吳蘭次林蕙堂集謝閣牛叟貽唐伯虎十美人卷及

唐鏡啟有鄙文未就雅贖先頒之語蓋為索文而投

贈者秋濤案此事不得其年蘭次解官在康熙己酉其自傳云以忤上官投劾歸歸而貧甚是解官

後即歸也又云有索翁文與詩者多以樹木花竹為

潤筆費不數月成林因名曰種字林是歸里後以賣

文為活也蘭次名綺江都人順治甲午拔貢薦授

祕書院中書舍人遷兵部主事郎中出知湖州府

九年庚戌三十五歲
十年辛亥三十六歲
孫豹人漑堂續集辛亥年七言律詩有黃大宗招同

范仲良張虞山馬圖求趙天醉張孟思閻百詩家姪

獻于飲止園次天醉韻詩曰登筵忽使旅愁無染柳春風綠到蘆水鳥當階容易

狎漁舟入夜不會孤同來勝友如金谷老去才名媿

達夫何事招尋成汎愛久看樵牧可為徒案魏叔子

於辛亥三月遇山陽黃大宗於廣陵為敘其庚戌登

科集豹人詩有染柳春風之語蓋同時事據知潛邱

此年曾作廣陵之游矣圖求名駿亦山陽人康熙己

酉舉人晚薦博學鴻儒未及試而卒著有聽山堂集

是年西河復游淮安至癸丑冬始還蕭山秋濤案以

袁監州七十序推之知此年復至淮安也十二年冬
歸里十四年復客汝寧十六年游上海十七年應徵
入京從淮城下
過未信宿也
西河送閻徵君歸淮安序余避讐
之淮安與淮之上下無不交閻君潛邱在其中暨之

梁之宋不能前復歸淮安則稍稍有言潛邱君年損
 而學多者於是躬詣之與之登城東程將軍冢題名
 而去顧余變姓名獨於淮有識余毛生者予漫應之
 曰毛姓於是有毛姓與潛邱君游墓之題云云西河
 詩集有九月十九日登程將軍冢詩詩曰層雲蕩晴
 空涼風薄枯艸
 我登淮陰城秋衣振縹緲淮陰城東有高阜九日初
 過又重九閣君父子好探奇邀我登高共飲酒籬頭
 黃菊堆酒厄風前重把茱萸枝雙攜銀盃墜鸚鵡頻
 開鏤碗燒蟲蠅飄颻千里試一望射澤鹽陂滅秋漲
 煙浮蒼靄到海平日涌黃河至天上紫霄高闕陵貝
 宮霓裳羽節吹長風圯橋再見赤松下淮王自坐丹
 霞中前臨巨冢近千尺半倚城根半葦陌水落難知
 王氏墳道傍猶觀滕公宅閻君本屬唐相餘稱言此

是將軍墟神堯定鼎畫麟閣程氏高勳新珪爵會留
 淮海鎮徐方因釋金龜葬繁弱千秋甲冑掩黃土猶
 捲旌旗走風雨介馬嘗隨龍虎號銜花近見牛丰舞
 秋風酌酒瀉雨餅幽思還視飛鴻翎昭陵西望人寂
 寞鼎湖南去愁清冥銅笙一曲倚鞞竹戲馬臺空散
 黃鵠把酒頻看琥珀紅拂盡殘碑不堪讀西河又
 有集閣修齡若璩父子卽席詩東第邀羣彥西園集
 酒徒清缸開玉露畫漿待珠湖角綺梁王賦烹鮮陸
 氏廚謳吟相開發不忍聽驅駒末注嘉謨曰珠湖卽
 東湖時查伊璜同赴飲又題眷西堂詩并序閻氏自
 山右來淮名其堂眷西不能忘舊乃從堂主人再彭
 之請云耳甲第移家遠茅堂倚郭新久爲淮海客仍
 是太原人荷蓋看雷楚瓜生想去幽天涯多蕩子誰
 得買君鄰鹽筴開鴻緒魚鷺念舊鄉人倫重東國彼
 美念西方啼鳥聽幽谷流泉繞夕陽千秋垂乃眷聊
 以志斯堂數詩不得其年附記於此又案錢謙益
 亦有寄淮上閻再彭眷西草堂詩西向依風笑南枝
 釋木謀艱難仍有步眷顧豈無頭策賜金天醉盤辭

渭水愁美人紆萬舞山隰思悠悠長淮南紀水滔蕩
汨窮塵故絳真吾土陶唐自古民周詩太原什晉問
柳州文他日論都
賦東西定主賓

十一年壬子三十七歲

移寓雜興詩注家古古先生壬子春復遇之交城相
去三十餘年矣 疏證卷五壬子秋過陽曲松莊傅
山先生字青主者適讀左傳以哀二十五年褚師聲
子轅而登席公怒下問曰古人既脫屣復脫轆乎雖
杜注古者見君解轆然書傳中僅此一見無別證何
也余不能對久之讀陳祥道禮書始用以報曰禮書

謂漢魏以後朝祭皆跣轆又謂梁天監閒尙書參議
案禮跣轆事由燕坐今極恭之所莫不皆跣清廟崇
嚴既絕常禮凡有履行者應皆跣轆蓋方是時有不
跣轆者故議及之可見六朝時猶然而尤妙者在案
禮跣轆事由燕坐二語古祭不跣所以主敬朝不脫
履以非坐故惟登坐於燕飲始有跣爲歡後則以跣
示敬此亦古今各不同處因怪杜注見君解轆見君
字不確要須易爲古者燕飲解轆耳先生得之喜甚
曰此一段直可以正杜注補孔疏爲劉炫趙汭所未

及余不敢當茲已忽忽十年聊牽連書之以見一時

知己之情云

案劄記有與傅青主二丈書云後四載讀陳祥道禮書後四載爲康熙十五年

丙辰後十年則二十一年壬戌也

西河經問彭軻

山東昌樂人乙丑進士問褚師聲子轅而登席云云

若然則朝祭之跣起於後代劇不足據但軻曾客淮聞淮客有論采菽之詩者云云秋濤案此淮客卽指

潛

邱 錢傳崑山顧先生炎武游太原以所撰日知錄

相質卽爲改定數條顧虛心從之

疏證卷六

壬子

冬客太原顧甯人向余稱朱謀埠水經注箋爲三百

年一部書余退而讀之殊有未然云云又

卷七

憶余晤

甯人壬子冬會問古文尙書還當疑否曰否云云

劄記顧甯人論幽并營三州在禹貢九州之外余時

同客太原面質正曰此不過從肇者始也臆度耳其

實周禮職方氏并州其澤藪曰昭餘祁昭餘祁在今

介休縣東北三十二里俗名鄔城泊吾與君所共游

厯者非石嶺關以南乎云云又南雷哀詞顧余遇之

太原持論嶽嶽不少阿久乃屈服我

疏證卷二愚嘗

以梅氏晚出書自東晉迄今歲次壬子一千三百五

十六年而屹與聖經賢傳並立學官家傳人誦莫能

以易焉者其故蓋有三焉皇甫謐高名宿學左思三

都經其片語遂競相讚述況渠實得孔書載於世紀有不因之而重者乎是使此書首信於世者皇甫謐之過也曠雖奏上得立於學官然南北兩朝猶遞相盛衰或孔行而鄭微或鄭行而孔微或孔鄭並行至唐初貞觀始依孔爲之疏而兩漢專門之學頓以廢絕是使此書更信於世者孔穎達之過也天祐斯文篤生徽國孔子之後所可取信者一人而已分經與序以存古制一則曰安國僞書再則曰安國僞書爲之弟子者正當信以傳信疑以傳疑乃明背師承仍

遵舊說是使此書終信於世者蔡沈之過也經此三信雖有卓識定力不拘牽世俗趨舍之大儒如臨川吳文正公尙書序錄實有以成朱子未成之志者而世亦莫能崇信之蓋可歎也夫善夫歐陽永叔之言曰自孔子沒至今二千年之間有一歐陽修者爲是說矣愚亦謂自東晉至今一千三百五十六年有一閻若璩者爲是說矣其尙取而深思之哉

劄記有跋周郡守晉祠碑記二則 又曰愚旣跋吾師晉祠碑亭記訖復取縣志閱之見宣和五年有姜

仲謙晉祠謝雨文其首云致祭于顯靈昭濟聖母汾東王之祠中云惟聖母之發祥兮肇晉室而開基王有文之在手兮其神靈之可知為之狂喜欲絕益歎吾師之言信而有徵也女郎祠之建實始於天聖而封號之加則自熙甯禱應始宣和五年上距天聖甫百年其建祠之故與所祠之人必歷歷有據故仲謙得之於傳聞而載之於撰著不然豈牽合博會遂至此也元人戈穀重修汾東王廟記亦云女郎祠建因改封汾東王之後則其相因而及意有在矣乃祀典

之譌實自洪武四年始詔革天下神祇封號止稱以山水本名而聖母廟遂改為晉源神祠若以聖母為真水神也者嗚呼不知此似是而實非也愚故詳考

曲證以信吾師之說且以為他日作縣志者補焉

郡守名合樹字計百延津人順治乙未進士由贛州推官遷大同同知卓異升太原知府竹垞集辛亥春有送計百赴太原任詩是也太原縣志載合樹重建晉祠碑亭記末行款署康熙壬子端午後三日

釋地晉水源有女郎祠實邑姜之廟去吾家西寨村

一十八里每游而忘歸誠如北齊王晞之所賦者旁方為唐叔虞廟南向此子為母屈者也母封曰聖母

子封曰汾東王余從艸閒搜出宋政和五年殘碑乃
姜仲謙謝雨文首云云喜得一典證屬有司當上聞
於朝以釐正之此鄉邦故事或曰既釐正矣則當別
建晉源神祠余曰然豈惟晉源此閒有臺駘廟當補
入實沈以祀參神不然是知有地理而無天文也
是年山西闡題舉善而教不能則勸足以有臨也夫
仁亦在乎熟之而已矣

閩譜卷一

譚瑩玉生覆校



